



Damonda da baghegiar

Nr. 145/2022

Datum da publicaziun: 23-12-2022
Patrun: Herger Hans, 7175 Sumvitg
Liug e parcelas: Sumvitg-Tschentanes; 6286
Object: plaz per deponia da crappa e material

Nr. 148/2022

Datum da publicaziun: 23-12-2022
Patrun: Rensch Onna e Deplazes Curdin, 7172 Rabius
Representant: huonder bisquolm architects sa, 7180 Mustér
Liug e parcella: Rabius-Via la Foppa; 4757
Object: construcziun d'ina casa d'ina famiglia

Nr. 149/2022

Datum da publicaziun: 23-12-2022
Patrun: Würsch Luzia e Martin, 5212 Hausen
Representant: Tarcisi Maissen SA, 7166 Trun
Liug e parcella: Rabius-Via la Foppa; 5217
Object: construcziun d'ina casa d'ina famiglia

Nr. 150/2022

Datum da publicaziun: 23-12-2022
Patrun: Deppeler Marcel, 7031 Laax
Representant: Biro d'inschignier Deplazes, 7173 Surrein
Liug e parcella: Surrein-Val; 4811
Object: construcziun d'ina garascha

Nr. 151/2022

Datum da publicaziun: 23-12-2022
Patrun: Decurtins Irina ed Ivo, 7175 Sumvitg
Liug e parcella: Sumvitg-Via Sursilvana; 1833
Object: construcziun d'ina casa d'ina famiglia cun ina habitaziun integrada

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiu da baghegiar Sumvitg enteifer 20 dis dapi il datum da publicaziun.

Dils plans sa vegnir priu investa sin canzlia communal duront las uras da spurtegl.

Sumvitg, 23-12-2022

Cumissiu da baghegiar

Salids ed auguris per las fiastas da Nadal e Daniev

La suprastonza communal giavischa a Vus, prezias convischinas e prezias convischins, bialas e legrevlas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 23-12-2022

Suprastonza communal

Sentupada da Silvester – communablamein egl onn niev

La suprastonza communal envida Vus cordialmein, preziadas convischinas, preziai convischins e preziai hosps ad in aperitiv da Silvester. Communablamein vulein nus entrar egl onn niev 2023. Igl aperitiv ha liug **da Silvester** allas 23.30 uras sin plaz Cadruvi a Sumvitg. La suprastonza communal selegra da beneventar Vus e giavischa gia uss ina buna ruschnada egl onn niev.

Sumvitg, 23-12-2022

Suprastonza communal

Administraziun communal / Comunicaziun

Preavis

L'administraziun communal resta serrada sur las fiastas da Nadal e Daniev sco suonda:

–naven da venderdis, ils 23-12-2022, allas 17.00, entochen mardis, ils 27-12-2022 allas 8.00

–naven da venderdis, ils 30-12-2022 allas 17.00, entochen mardis, ils 3-1-2023 allas 8.00

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 23-12-2022

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 23-12-2022

Departament traffic

REFERENDUM FACULTATIV

La radunonza communal dils 15 da december 2022 ha priu denter auter ils suandonts conclus:

- *Tractaziun ed approvaziun dil project sanaziun provediment d'aua Surrein e concessiun dil credit brut da 910'000 francs*
- *Tractaziun ed approvaziun dil project sanaziun parziala provediment d'aua Rabius e concessiun dil credit brut da 190'000 francs*

Sura conclus ein suttaposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 12-01-2023. Il referendum sa buca vegnir retratgs.

Sumvitg, 23-12-2022

Suprastonza communal

Societad da musica Surrein/Rabius

Meet&Try / Sentupar ed empruar

Venderdis ils 30-12-2022 naven dallas 19.00 en casa da scola Surrein. Tier nies Meet&Try veis vus la pusseivladad da s'informar sur dalla musica e tgei sustegn che vus astgeis spitgar sche vus leis emprender in instrument da stuors ni refrestgentar vossa savida musicala.

Vinavon veis vus la pusseivladad d'empruar ora ils differents instruments. Ni era semplamein vegnir e star da cumpignia. Tut quei tier in pign Apéro cun bar, in pign concert dalla musica e regurdientschas dils davos onns en fuorma da fotis e videos. La societad da musica Surrein/Rabius selegra da sentupar cun pign e grond.

Uniun da cultura e sport Cumpadials

Cuorsa e fiasta da skis a Cumpadials

Sonda, ils 14 da schaner 2023 organischescha l'uniun da cultura e sport Cumpadials ina cuorsa e fiasta da skis a Cumpadials. La cuorsa vegn menada atras cun dus percuors ed en duas categorias (affons e carschi). Ei setracta setracta d'ina cuorsa per pign e grond, hosps ed indigens. Consequentamein va buc il currider cun il meglier temps cun la plema, mobein la persuna cun la pli pintga differenza da temps dils dus percuors. La cuorsa astga vegnir absolvida cun skis, aissa, scarsola ni in auter mied da semover sin neiv e vegn menada atras sin il tschancun naven da Plaun Curschellas entochen la Punt Gonda.

Igl emprer percuors entscheiva allas 11.00 ed il secund ha liug el decuors dil suentermiezdi. Gest sper la partenza dalla cuorsa porscha l'uniun als participonts e visitaders in pign menaschi d'ustria. Suenter la cuorsa cuntinuescha la fiasta da skis cun ina fiasta d'«Après-Ski» ell'anteriura casa da scola a Cumpadials. L'uniun da cultura e sport Cumpadials envida cordialmein e selegra d'entupar massa hosps e vischins. *Uniun da cultura e sport Cumpadials*

Club da skis Trun

Cuors da cuorsa liunga per carschi

Sonda, 7-1-2023, 13.30–16.00 a Trun/Pustget

Mira sut Trun!

Cuors da cuorsa liunga per in e scadin a Breil

Dumengia, ils 15 da schaner 2023

Era quest unviern menein atras igl usitau di da cuorsaliunga.

Mira sut Breil/Brigels!